

Assalamualaikum warrahmatullahi wabarakatuh & Salam Sejahtera

Alhamdulillah, setinggi kesyukuran kita rafa'kan kepada Allah SWT kerana memberikan peluang dan kesempatan untuk sama-sama kita menyambut Aidil Fitri atau hari kemenangan bagi umat Islam yang disambut dengan penuh perasaan keimanan, ketakwaan dan kesyukuran.

Setelah sebulan menahan kemahuan dan keinginan, hari ini kita akan meraikan hari kemenangan menentang hawa nafsu yang telah disifatkan oleh junjungan kita Nabi Muhammad S.A.W sebagai jihad terbesar bagi umatnya. Mudah-mudahan Allah menerima ibadah kita dan memanjangkan usia kita ke ramadan akan datang.

Kepada semua warga kerja Pejabat Ketua Pegawai Keselamatan Kerajaan Malaysia (CGSO) yang akan kembali ke kampung halaman masing-masing, saya ingin menasihati agar berhati-hati di jalan raya. Rancanglah perjalanan dan periksa kenderaan sebelum bertolak serta dapatkan rehat secukupnya. Apa yang diharapkan kepulauan kali ini disambut dengan air mata kegembiraan oleh saudara mara bukannya tangisan kedukaan.

Sambutlah hari raya pada tahun ini dengan penuh kesederhanaan dan kemeriahan bersama ibu bapa dan kaum keluarga tersayang serta saudara mara di kampung agar dapat mengeratkan lagi silaturahim serta merapatkan tali persaudaraan.

Akhir sekali saya dan keluarga mengucapkan Selamat Hari Raya Aidil Fitri dan menyusun jari sepuluh memohon ampun dan maaf kepada seluruh warga kerja Pejabat CGSO di atas segala kesalahan dan kekhilafan sepanjang tahun yang lalu.

Semoga kita berjumpa lagi selepas pulang bercuti hari raya dalam keadaan yang sihat dan selamat untuk bersama-sama meneruskan tanggungjawab yang telah diamanahkan kepada kita semua.

Sekian, Minal Aidin Wal Faizin. Wabillahi Taufik Walhidayah Wassalamualaikum Warahmatullahi Wabarakatuh.